

BOSNA I HERCEGOVINA
FEDERACIJA BOSNE I HERCEGOVINE
JAVNO PREDUZEĆE
NACIONALNI PARK „UNA“ d.o.o.
Broj: 01- 2858 /23
Bihać, 31.10.2023. godine

Na osnovu člana 70. stav 1., 3. i 6. a u vezi sa članom 64. stav (1) tačka b Zakona o javnim nabavkama („Službeni glasnik BiH“, broj: 39/14 i 59/22) i preporuke Komisije date u Zapisniku o pregledu i ocjeni ponuda broj: 01- 2846/23 od 30.10.2023. godine, Ugovorni organ–direktor JP Nacionalni park „Una“ d.o.o. Bihać *donosi*

ODLUKU
O
IZBORU NAJPOVOLJNIJEG PONUĐAČA

I

Prihvata se Preporuka Komisije za javne nabavke data u Zapisniku o pregledu i ocjeni ponuda broj: 01- 2846/23 od 30.10.2023. godine te se **ugovor o nabavci goriva za motorna vozila JP Nacionalni park „Una“ d.o.o. Bihać**, dodjeljuje ponuđaču „**Hifa Petrol“ d.o.o. Sarajevo** za ponuđenu cijenu u iznosu od **69.201,77 KM–bez PDV-a**, prema Ponudi broj: 01-2743/23 predanoj dana 23.10.2023. godine u 09:50 sati, kao najbolje ocijenjenoj.

II

Izabrani ponuđač je dužan dostaviti dokaze o kvalificiranosti, u pogledu lične sposobnosti, u roku od 7 (sedam) dana od dana zaprimanja obavještenja o rezultatima ovog postupka javne nabavke.

III

Ugovor o nabavci roba dostavit će se na potpis izabranom ponuđaču iz tačke I ove Odluke, po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

IV

Ova odluka će se dostaviti svim ponuđačima koji su učestvovali u postupku javne nabavke te objaviti na web stranici JP Nacionalni park „Una“ d.o.o. Bihać.

Obrazloženje:

Komisija za nabavku je postupajući po datim ovlaštenjima, na otvorenom sastanku na kojem je izvršeno javno otvaranje ponuda, održanom dana 25.10.2023. godine u 12,00 sati, konstatovala da su do krajnjeg datuma za predaju ponuda, 25.10.2023. godine do 11,30 sati, blagovremeno pristigle ponude sljedećih ponuđača:

1. „**Holdina“ d.o.o. Sarajevo** (Ponuda broj: 01- 2742/23 predana dana 23.10.2023. godine u 09:38 sati);
2. „**Hifa-Petrol“ d.o.o. Sarajevo** (Ponuda broj: 01- 2743/23 predana dana 23.10.2023. godine u 09:50 sati);
3. „**Petrol BH Oil Company“ d.o.o. Sarajevo** (Ponuda broj: 01- 2797/23 predana dana 25.10.2023. godine u 10:26 sati).

Komisija konstatuje da neblagovremeno pristiglih ponuda nema te da ostala zainteresirana lica koja su preuzela tendersku dokumentaciju, nisu predali svoje ponude.

Na zatvorenom sastanku koji je održan istog dana 25.10.2023. godine, Komisija je analizirajući priloženu dokumentaciju te provjerom njenog suštinskog sadržaja i validnosti, utvrdila da su ponuđači: „Holdina“ d.o.o. Sarajevo, „Hifa Petrol“ d.o.o. Sarajevo i „Petrol BH Oil Company“ d.o.o. Sarajevo kvalificirani i da sadržaj ponude i način pripreme ponude navedenih ponuđača odgovara svim uvjetima definiranim Tenderskom dokumentacijom broj: 01- 2576/23 od 03.10.2023. godine.

Komisija je utvrdila rang listu kvalificiranih ponuđača te financijsku vrijednost ponuda bez uračunatog PDV-a prije zakazivanja E-Aukcije kako slijedi:

R/b	PONUĐAČ:	IZNOS PONUDE bez PDV (KM):	POPUST	IZNOS PONUDE SA POPUSTOM (KM):
1.	„Petrol BH Oil Company“ d.o.o. Sarajevo	69.410,00 KM	-	-
2.	„Holdina“ d.o.o. Sarajevo	71.415,00 KM	-	-
3.	„HIFA-PETROL“ d.o.o. Sarajevo	72.000,00 KM	-	-

Kriterij za ocijenu ponuda kvalificiranih ponuđača koji je utvrđen tenderskom dokumentacijom je **najniža cijena**.

Nadalje, Komisija je konstatovala da vrijednost javne nabavke po procjeni ugovornog organa iznosi: **72.000,00 KM bez PDV-a**.

To su sredstava planirana Programom rada i Financijskim planom JP Nacionalni park „Una“ d.o.o. Bihać za 2023. godinu – Rashodi pod rednim brojem 1.2.9.

Cijeneći navedeno, Komisija za nabavku je prije provođenja postupka E-Aukcije, utvrdila da se cijene kvalificiranih ponuđača: „Petrol BH Oil Company“ d.o.o. Sarajevo, „Holdina“ d.o.o. Sarajevo i „Hifa Petrol“ d.o.o. Sarajevo nalaze u okvirima procijenjene vrijednosti javne nabavke.

Komisija za nabavku je zastala sa radom jer se provodi postupak E-Aukcije u skladu sa Pravilnikom o uslovima i načinu korištenju E-Aukcije („Službeni glasnik BiH“, broj: 66/16).

U skladu sa svim gore navedenim Komisija je prije provođenja postupka e-Aukcije sačinila Zapisnik Komisije o ocjeni ponuda broj: 01- 2801/23 od 25.10.2023. godine u kojem se utvrđivala prihvatljivost ponuda ponuđača i prvobitna rang lista cijena ponuđača.

Postupak e-Aukcije počeo je dana 30.10.2023. god. u 10:00 sati, a završio je istog dana u 10:14 sati.

Nakon provedenog postupka e-Aukcije utvrđena je nova rang lista kvalificiranih ponuđača te je financijska vrijednost ponuda bez uračunatog PDV-a slijedeća:

R/b	PONUĐAČ:	IZNOS PONUDE bez PDV (KM):	POPUST	IZNOS PONUDE SA POPUSTOM (KM):
1.	„HIFA-PETROL“ d.o.o. Sarajevo	69.201,77 KM	-	-
2.	„Holdina“ d.o.o. Sarajevo	69.271,18 KM	-	-
3.	„Petrol BH Oil Company“ d.o.o. Sarajevo	69.410,00 KM	-	-

Na osnovu svega gore navedenog i preporuke Komisije date u Zapisniku o pregledu i ocjeni ponuda broj: 01- 2846/23 od 30.10.2023. godine, Ugovorni organ donosi ovu Odluku o izboru najpovoljnijeg ponuđača „HIFA-PETROL“ d.o.o. Sarajevo za nabavku goriva za motorna vozila JP Nacionalni park „Una“ d.o.o. Bihać, za ponuđenu cijenu u iznosu od **69.201,77 KM– bez PDV-a.**

Izabrani ponuđač je dužan dostaviti dokaze o kvalificiranosti, u pogledu lične sposobnosti u roku od 7 (sedam) dana od dana zaprimanja obavještenja o rezultatima ovog postupka javne nabavke, i to sljedeće:

1. Lična sposobnost:

- a) uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca; **NAPOMENA: U smislu odredbi člana 45. stav (1) tačka a), u vezi sa stavom (2) tačka a) iste odredbe Zakona dostavljaju se dva uvjerenja i to: Uvjerenje Suda BiH i Uvjerenje Suda prema sjedištu pravnog lica, odnosno kandidata/ponuđača.**
- b) uvjerenje nadležnog suda ili organa uprave kod kojeg je registriran ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- c) uvjerenja nadležnih institucija kojim se potvrđuje da je kandidat/ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje;
- d) uvjerenja nadležnih institucija da je kandidat/ponuđač izmirio dospjele obaveze u vezi s plaćanjem direktnih i indirektnih poreza.

Izabrani ponuđač je dužan dostaviti navedena uvjerenja u originalu ili ovjerenj o kopiji od strane nadležnog organa.


Uvjerenja koja je izabrani ponuđač dužan dostaviti ne smiju biti starija od tri mjeseca računajući od dana dostave ponude, u protivnom će se smatrati da je dao lažnu izjavu.

Dokaze o ispunjavanju uslova je dužan dostaviti u roku od 7 (sedam) dana, od dana zaprimanja obavještenja o rezultatima ovog postupka javne nabavke.

Iz navedenih razloga, primjenom člana 64. stava 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Ugovornom organu u pisanoj formi direktno, elektronskim putem ili preporučenom poštanskom pošiljkom najkasnije u roku od 10 (deset) dana od dana prijema ove Odluke.

 v.d. Direktor

Amarildo Mulić

Dostaviti:

1. „Hifa Petrol“ d.o.o. Sarajevo, Hotonj bb, 71320 Vogošća;
2. „Holdina“ d.o.o. Sarajevo, ul. Fetaha Bećirbegovića 1a, 71000 Sarajevo;
3. „Petrol BH Oil Company“ d.o.o. Sarajevo, ul. Džemala Bijedića 202, 71210 Ilidža;
4. Komisiji– u spis;
5. a/a.